

ქალაქ ბათუმის მუნიციპალიტეტის საკრებულოს

განკარგულება №

\_\_\_ ოქტომბერი, 2019 წელი

ქალაქი ბათუმი

ქ. ბათუმის მუნიციპალიტეტის მერიასა და ქ. ბათუმის მუნიციპალური ინფრასტრუქტურის რეაბილიტაციის პროექტის მესამე და მეოთხე ფაზის განმახორციელებელ კონსორციუმებთან (წარმოდგენილი კომპანია Egis Eau SA სახით) გასაფორმებელი მორიგების ხელშეკრულების მოწონების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 და მე-3 პუნქტების შესაბამისად, ქ. ბათუმის მუნიციპალიტეტის საკრებულომ გადაწყვიტა:

1. მოწონებული იქნეს ქ. ბათუმის მუნიციპალიტეტის მერიის მიერ წარმოდგენილი ქ. ბათუმის მუნიციპალიტეტის მერიასა და ქ. ბათუმის მუნიციპალური ინფრასტრუქტურის რეაბილიტაციის პროექტის მესამე და მეოთხე ფაზის განმახორციელებელ კონსორციუმებთან (წარმოდგენილი კომპანია Egis Eau SA სახით) გასაფორმებელი მორიგების ხელშეკრულების პროექტი, თანახმად დანართისა.
2. მიეცეს ქ. ბათუმის მუნიციპალიტეტის მერს თანხმობა ხელი მოაწეროს ქ. ბათუმის მუნიციპალიტეტის მერიასა და ქ. ბათუმის მუნიციპალური ინფრასტრუქტურის რეაბილიტაციის პროექტის მესამე და მეოთხე ფაზის განმახორციელებელ კონსორციუმებთან (წარმოდგენილი კომპანია Egis Eau SA სახით) გასაფორმებელ მორიგების ხელშეკრულებას.
3. წინამდებარე განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში, რა დროსაც მხარეს წარმოადგენს ქ. ბათუმის მუნიციპალიტეტის მერია.
4. განკარგულება ძალაშია ხელმოწერისთანავე.

საკრებულოს თავმჯდომარე

სულიკო თებიძე

## გ ა ნ მ ა რ ტ ე ბ ი თ ი ბ ა რ ა თ ი

პროექტის სახელწოდება და სათაური

### გ ა ნ კ ა რ გ უ ლ ე ბ ა

ქ. ბათუმის მუნიციპალიტეტის მერიასა და ქ. ბათუმის მუნიციპალური ინფრასტრუქტურის რეაბილიტაციის პროექტის მესამე და მეოთხე ფაზის განმახორციელებელ კონსორციუმებთან (წარმოდგენილი კომპანია Egis Eau SA სახით) გასაფორმებელი მორიგების ხელშეკრულების მოწონების შესახებ

#### ა) ზოგადი ინფორმაცია პროექტის შესახებ

##### ა.ა) პროექტის მიღების მიზეზი და მიზანი:

ქალაქ ბათუმის მერიას აქვს საარბიტრაჟო დავა ფრანგულ საკონსულტაციო კომპანია ეგისთან (EGIS EAU), რომელიც წარმოადგენს კონსორციუმის ლიდერ კომპანიას ქ. ბათუმის მუნიციპალური ინფრასტრუქტურის რეაბილიტაციის პროექტის მესამე და მეოთხე ფაზების ფარგლებში გაფორმებული საკონსულტაციო მომსახურების ხელშეკრულების თანახმად (ფაზა 3 - კონსორციუმი „Egis – Lahmeyer – Municipal Project – Geohydro Service“ - ხელშეკრულება გაფორმებული იქნა 2012 წლის 15 ოქტომბერს; ფაზა 4 - კონსორციუმი „Egis – IGR – Municipal Project – Geohydro Service“ - ხელშეკრულება გაფორმებული იქნა 2015 წლის 22 დეკემბერს). აღნიშნული ხელშეკრულებები ითვალისწინებდა კომუნალური ინფრასტრუქტურის რეაბილიტაციის პროექტის ფარგლებში საპროექტო - სახარჯთაღრიცხვო და სატენდერო დოკუმენტაციის მომზადებასა და პროექტების ზედამხედველობას.

ქ. ბათუმის მერიის ინტერესებს იცავს გერმანელი იურისტი ბატონი ზალგერი, ხოლო მუნიციპალიტეტის მხრიდან დაქირავებული სპეციალისტი ლამა სეფერთელაძე, ამ დავის ფარგლებში ქალაქ ბათუმის მერიის მოთხოვნას წარმოადგენს ზიანის ანაზღაურება 2 429 767,09 € ევროს ოდენობით, აღნიშნული მოთხოვნა დაფუძნებულია უფროსი ინჟინერ ექსპერტის შტეფან მეშკეს შეფასებაზე, ხოლო ფრანგულ საკონსულტაციო კომპანია ეგისის (EGIS EAU) მოთხოვნას მერიის მიმართ წარმოადგენს 5 434 973,63 € ევროს (2018 წლის ივნისის მონაცემებით). ამ ეტაპზე მხარეები ვიმყოფებით წინასაარბიტრაჟო მოლაპარაკებების ეტაპზე. დღეის მდგომარეობით კომპანია ეგისმა (EGIS EAU) შემოგვთავაზა მორიგება, რაც გულისხმობს:

1. ქალაქ ბათუმის მერიის მხრიდან მოთხოვნაზე უარის თქმა.
2. საკონსულტაციო კომპანია ეგისის მხრიდან ამავდროულად თავის სასარჩელო მოთხოვნაზე უარის თქმა.

3. დამატებით საკონსულტაციო კომპანია ეგისის (EGIS EAU) ქალაქ ბათუმის

მერიას, ბიუჯეტის სასარგებლოდ 100 000 ევროს გადაუხდის, რითაც დასრულდება საბოლოოდ აღნიშნული დავა.

ქალაქ ბათუმის მერიის წინაშე არსებობს შემდეგი ალტერნატივა დავის შემდგომ გაგრძელებასთან დაკავშირებით, რაც მდგომარეობს შემდეგში:

1. დავის გაგრძელება არბიტრაჟში;

2. ეგისთან საქმის მოლაპარაკებით დასრულება და ყველა სადავო საკითხის - წინასაარბიტრაჟო მოლაპარაკების გზით გადაჭრა.

იმ შემთხვევაში თუკი, ქ. ბათუმის მერია აირჩევს დავის გაგრძელებას არბიტრაჟში ეს შესაძლებელია დროშიც გაიწელოს, ამასთან დავის გაგრძელება დაკავშირებულია გარკვეულ რისკებთან, ხოლო იმ შემთხვევაში თუკი დავა დასრულდება მორიგებით ქ. ბათუმის მერია დავის დასრულების დადებით ეფექტს მიიღებს დაუყოვნებლივ. რაც მდგომარეობს შემდგომში, დაუყოვნებლივ გამოთავისუფლდება მესამე და მეოთხე ფაზის ფარგლებში კომპანია ეგისის(EGIS EAU) დარეზერვებული თანხები (დაახლოებით 1 000 000 ევრო); ქალაქ ბათუმის მერიის ბიუჯეტში დამატებით მოხილადება საკონსულტაციო კომპანია ეგისის (EGIS EAU) მიერ 100 000 ევრო.

**ა.ბ) პროექტის ძირითადი არსი:**

განკარგულების პროექტის ძირითადი არსი მდგომარეობს, ქ. ბათუმის მუნიციპალიტეტის მერიასა და მორიგების ხელშეკრულების კომპანია ეგისს (EGIS EAU) შორის გასაფორმებელი მორიგების ხელშეკრულების გაფორმებაზე ქ. ბათუმის მუნიციპალიტეტის მერისათვის თანხმობის გაცემა;

**ბ) პროექტის ფინანსური დასაბუთება**

**ბ.ა) პროექტის მიღებასთან დაკავშირებით აუცილებელი ხარჯების დაფინანსების წყარო:**

განკარგულების პროექტის განხორციელება არ მოითხოვს დამატებით ფინანსურ ხარჯებს.

**ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე:**

განკარგულების პროექტის მიღებით ქ. ბათუმის მუნიციპალიტეტის ბიუჯეტში დამატებითი ფინანსური რესურსი შემოვა 100 000 ევროს ოდენობით, ხოლო ხარჯვით ნაწილზე გავლენას არ მოახდენს.

**ბ.გ) პროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება პროექტის მოქმედება:**

განკარგულების პროექტის მიღება არ იწვევს ფინანსური შედეგების დადგომას იმ პირთათვის, რომელთა მიმართაც ვრცელდება პროექტის მოქმედება.

**გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან**

განკარგულების პროექტი შესაბამისობაშია იურიდიული ძალის მქონე ნორმატიულ აქტებთან.

**დ) პროექტის მომზადების პროცესში მიღებული კონსულტაციები:**

სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, სპეციალისტები, რომლებმაც მონაწილეობა მიიღეს პროექტის შემუშავებაში და მათი შეფასება პროექტის მიმართ (ასეთის არსებობის შემთხვევაში):

განკარგულების პროექტის მომზადების პროცესში კონსულტაციები არ მიღებულა;

**ე) პროექტის ავტორი:**

განკარგულების პროექტის ავტორია ქ. ბათუმის მუნიციპალიტეტის მერიის პოლიტიკის სამსახურის საინვესტიციო პოლიტიკისა და საგრანტო პროგრამების მართვის განყოფილება;

**ვ) პროექტის ინიციატორი:**

განკარგულების პროექტის ინიციატორია ქ. ბათუმის მუნიციპალიტეტის მერი;

**ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:**

ქ. ბათუმის მუნიციპალიტეტის მერიის

პოლიტიკის სამსახურის

საინვესტიციო პოლიტიკისა და საგრანტო

პროგრამების მართვის განყოფილების უფროსი:



ჯანა ტულუში

**დანართი:**

1. მორიგების ხელშეკრულება - 16 გვერდი;
2. იურისტის - პროფესორ ზალგერის სამართლებრივი დასკვნა - 9 გვერდი;
3. იურისტის - ლაშა სეფერთელაძეს შეთავაზება მორიგების მიზნებისათვის - 90 გვერდი;
4. ექსპერტის - სტეფან მეშკეს დასკვნა - 55 გვერდი;